庫全書

子部

大小山口山西山西山 欽定四庫全書 始隱周之衰也終麟感之始也世衰道不行有逃作之 詩書易言聖人之道備矣何以復作春秋蓋春秋聖 秋如治法 之用也詩書易如律春秋如斷案詩書易如樂十 程外書卷九 春秋錄拾遺 二程外書 朱子 編

或言絕筆後王者可革命大非也孔子時唯可尊周孟 春秋書戰以戰之者為客受戰者為主以此見聖人 范文甫問趙盾弑其君夷舉又問許世子弑其君買皆 元年標始年耳猶家人長子呼大郎先儒穿鑿不可用 從傳說 意舊矣但因麟而發耳麟不出春秋亦須作也 子時方可革命時變然也前一日不可後一日不可 意蓋彼無義來戰則必上告於天子次告於方伯近 深

金灯口母台書

桓宣與聞乎弑然聖人如其意而書即位與僖文等同 公羊說春秋書弟謂母弟此大害義禽獸則知母而不 是也 若不得已而與之戰者則異文以示意來戰于乾時 位又以見季氏制之也 辭則其惡自見乃所以深責之也定公至六月方即 知父人必知本豈論同母與不同母乎 赴於鄰國不如是而與之戰者是以聖人深責之也

火足四草 在書

二程外書

始隱孫明復之説是也孫大槩唯解春秋之法不見聖 金片巴屋台門 春秋大抵重嫡妾之分及用兵土功嘗因說代顓史事 蒯聩得罪於父不得復立輒亦不得背其父而不與共 矣 國委於所可立使不失先君之社稷而身從父則義 對上言春秋重兵如來戰于郎潞公甚喜 所寓微意若如是看有何意味乎 程外書卷九

飲定四車全書 欽定四庫全書 無懼也臨事而懼聖人未嘗無爱也仁民而爱物聖 安天下之民聖人未嘗無哀也哀此覺獨聖人未嘗 未嘗無喜也象喜亦喜聖人未嘗無然也一怒而 未嘗無欲也我欲仁斯仁至矣但中其節則謂之 程外書卷十 大全集拾遺 二程外書 宋 朱子 編

荀卿才高學陋以禮為偽以性為惡不見聖賢雖曰尊 游酢於西銘讀之已能不逆於心言語之外別立得這 劉子文之學甚支離只立名做法語便不是了 向日與向火意思别火只是一 **箇義理便道中庸矣**道 仕恭賊謂之旁燭無疆可乎隱可也仕不可也 和 子弓然而時相去甚遠聖人之道至鄉不傳揚子雲 到 「箇酷烈底性日則自然

次之四華全書 井泉之異全由地脈一 問星辰曰星是二十八宿辰是日月五星 墙下有地皮一 是要相地脉如何 酸惟僧舍井小甘 不欲令婦女往汲之 乃禁之既禁 溜也又如在襄城寺中水醎寺外水甘一 般生底氣便與人氣接 縣無水乃相一端鑿 旋裂於是試令近墙鑿井遂亦甘只 潘之别伯淳在扶溝扶溝水皆 二程外書 井其味適别地脈是 日觀其

子夏易雖非卜商作必非杜子夏於能為必得於師 有 南京三十六岡改葬只是臺中人為之要得自振其街 冬桃今視之似先春其實晚桃也直到如今方發 冬至與諸友賀先生不出云有司法服慰乃出 事雖未必然然据理安得不招此禍 以瞥利也 /葬埋至有毁伐其親之 层以 祈福利然偶獲禍其

復者反本也本有而去之今來復乃見天地之心也乃 易因爻象論變化因變化論神因神論人因人論德行 徽柔懿恭四事也徽懿皆美也懿美中似有寬裕意研 周禮不全是周公之禮法亦有後世隨時添入者亦有 聖問念作狂如周官六德之聖通明之謂也 大體通論易道而終於點而成之不言而信存乎德行 其意味乃得之若淵亦深也淵則深中有奧意 天理也此賢人之事也

欽定四庫全書 學者不學聖人則已欲學之須是熟玩聖人氣象不可 學者有所得不必在談經論道問當於行事動容周旋 君實近年病漸較縣放得下也 中禮得之 漢儒撰入者如吕刑文侯之命通謂之周書 學後來曽子子夏學得縣到上面也 止於名上理會如是只是講論文字 知在格物格至也窮理而至於物則物理盡

薛公言縣布出上策則關東非漢有非也使出上策亦 先生曰司馬遷為近古書中多有前人格言如作紀本 天下寧無魏公之忠亮而不可無忠臣之義昔事建成 尚書但其間有曉不得書意有錯用却處嘉仲問項 議遷之失如何曰後人議前人固甚易 籍作紀如何曰紀只是有天下方可作又問班固當 敗 而今事太宗可乎 二理小比 3

| 釞定匹庫全書 唐之 陳實見張讓是故舊見之可也不然則非矣此所謂太 趙襄子好為代國夫人襄子既殺代王將奪其國夫人 丘道廣 距戰是也身為代國夫人社稷無主獨當其任義不 可棄社稷以與弟則戰而殺之非姊殺弟也代國夫 有甚君臣父子其妻則取之不正又妻殺其夫篡其 殺賊也 有天下數百年自是無綱紀太宗肅宗皆篡也更

新書且未說義中否且如與小人 得使其子 僭奪之端其惡大是殺兄篡位又取元吉之妻後世 位無不至也若太宗言以功取天下此尤不可最啓 以為聖明之主不可會也太宗與建成史所書却是 也肅宗則分明是乘危而篡若是則今後父有事 箇無象今日新書讀之便有一箇支離無象 (说能亦有至言然只

觀太學諸生數千人今日之學要之亦無有自信者如 先生自少時未嘗乗轎頃在蜀與二使者游二峽使者 遠之 代畜若疾病及泥濘則不得已也二使者亦將不乘 某語之曰使者安可不乗既至留題壁間先生曰母 游酢楊時等二三人游其間諸人遂為之警動敬而 相强乗轎不可詰其故語之曰某不忍乗分明以 書某名詰其故曰以使者與一問人遊若錚客當時

正叔謂子厚在禮院所定龍女衣冠使依封號夫人品 こうこ 酒肆要之盡米麥聚閒人好農工致詞訟藏賊盗 衣服 縣極有害 竟不乗轎亦不留名 秩為準正权語其非此事合理會 夫大河之塞莫非 上天降鑒之靈官吏勤職士卒效命彼龍水獸也 刀馬今最宜與他正人畜分不宜使畜產而用人之 二段外書 六 州 何

|動定匹庫全書 汝之多瘦以地無壅滞當有人以器雜貯州中諸處水 介甫言律是八分書是他見得又有學律者言今之 析於中開鑿數道溝渠洩地之無然後少可也 例皆重濁至有水脚如膠者食之安得無瘦治之之 場凶惡無禮於上猶不當死須是反逆得死也邪 傳世來未之或能改也惟近年改了一字舊言指斥 析言破律正权謂律便是此律否但恐非也學者以 乘輿言理惡者死今改 日情理 亦非也今有人極

昔聶覺唱不信鬼神之説故身殺湫魚其同行者有不 酒是麴藥為之以亂其氣人苟持其志則不到於亂乃 石炭穴中遺火則連蔓火不絕故有數百千年今火山 蓋為山中時有火光必是此箇火時發於山間也 懷慶思以致動其氣血也如太一湫魚自唐以來自 得過或食而病或不食而病要之山中陰森之氣心 知飲酒須德持之未有害也志之為力極可怪 食魚而病死者有食魚亦不病不死者只是其心打

议定四車全書

二程外書

仐 人家買乳婢亦多有不得已者或不能自乳須著使 畏而特不残及於此魚也 有死傷也若晉祠之魚則極多必是吞魚之魚不衆 也伯淳當到其水濱魚可俯拾然衆人不取以神為 乳而食二子我之子又足備他虞或乳母病且死則 不敢取今當不可容然亦只如此者蓋自相食及亦 不能為害或以勢要二人 又不更為已子而殺人 然食已子而殺人之子不是道理必不得已用二

凡人有斗筲之量有鍾鼎之量有釜斛之量江海亦大 敏中號有度量至作相却與張齊賢爭取一妻為其 有十萬囊素故也王隨亦有德行仁宗嘗稱王隨德 矣然尚有限惟聖人之量與天地並故至多不盈至 日月此冥然而行者也 要之只是有所費若不幸致誤其子害孰大焉 少不虚几人為器量所拘到満後自然形見本朝向 人居覆載中却不知天地在照臨之內却不理會得

飲定四車全書

二程外書

程蘇之姓傳於天下者不着至於張王李趙雖其出不 日再中只是新垣平訴言也史冊實之後世遂以為誠 分也 動又干他身分甚事 隨語室中人曰何不以溺自照面看做得三路運使 無皆量所動也今人何嘗不動只得綾寫一卷與便 行李淑文章至作相蕭端公欲得作三路運使及退 要之其姓蕃行此亦受姓之祖其流之盛固有定

1: 1

人已日祖 二十 太行山干里一塊石更無間故於石上起峰 佛畢竟不知性命世之人相武曰爾安知性命是果報 天下獨高處無如河東上黨者言上與天為黨也澤州 然如丁謂天書之類當時人却未必全信却是後世 知之 觀史者已信矣 言亳却似今言京師之比 北望有桑林村蓋湯自為犧牲處湯十一遷所居皆 二程外書

問古人 銀好四月月 周茂叔謂 明言吾理使學者曉然審其是非始得 是常理若是常華則無此理却是妄也今佛氏以 石上自適而已 為無常有死則有常無死却是無常 以為幻妄此誠為理否曰只如 /釋氏之學他只是一箇自私沒點閉看合眼林 八所謂衣冠不正無客止為身之耶今學佛者 部法華經只消一箇艮卦可了 株樹春華秋枯 間 死

釋氏之說其歸欺詐今在法欺詐雖赦不原為其罪重 大小の一日本日本日本 得入於形器故後來只去就上結果其說始以世界為 為此則老者何養幼者何長以至剪帛為衲夜食欲 亦能窺測因緣轉化其始亦只似譬喻其徒識甲者 也及至釋氏自古至今欺詐天下人莫不溺其說而 而僧復毀形佛有妻子舍之而僧絕其類若使人盡 幻妄而謂有天宫後亦以天為幻卒歸之無佛有髮 不自覺也豈不謂之大惑即原釋祖只是一箇點胡 二程外書

金りでたとう 大宗小宗圖子六七年前被人將出後來京師印却便 是這本 省舉事皆反常不近人情至如夜食後睡要敗陽氣 其意尤不美直如此奈何不下

或問老子言天地不仁聖人不仁如何曰謂天地不仁 欽定四 庫全書 以萬物為獨狗是也謂聖人不仁以百姓為獨狗非 也聖人豈有不仁所患者不仁也天地何意於仁鼓 舞萬物而不與聖人同憂聖人則仁此其為能引道 程外書卷十 時氏本拾遺 朱子 編

次宅四華全售

二程外書

或問記曰康誥曰如保赤子心誠求之雖不中不遠矣 始何嘗學來當保養之時自然中所欲若推此心保 民設不中其所欲亦不遠因說昔楊軾為宣州簽判 欲民能言却不知其情大抵只是少察 分產軾疑其杖直便決替了赤子不能言尚能中其 **未有學養子而後嫁者也先生曰今母保養赤子其** 日差王某為杖直當日晚有同姓名者來陳狀乞

大王り 順 たき 郭忠孝議易傅序曰易即道也又何從道或以問伊 或問忠恕之别曰猶形影也無忠則不能為怒矣 學者今日無可添唯有可減減盡便無事 尹子曰伊川先生嘗言中庸乃孔門傳授心法 窮理盡性至命一事也纔窮理便盡性盡性便至命因 大學舉而不能先命也命當作怠字之誤也 曲直者命也理性命一而已 指柱日此木可以為柱理也其曲直者性也其所以 二程外書

或問劉黃曰沒恒之凶始求深也曰然則宜如何曰尺 傷不疑說春秋則非處事應機則不異於古人董仲舒 范文甫問四象子曰左右前後楊中立問四象子言四 金岁口屋有量 王道與儒道同皆通貫天地學純則純王純儒 論事先引春秋論事則是引春秋則非 蠖之屈以求伸也疎遠小臣一 才 伊川日人隨時變易為何為從道也 卷十 一旦欲以新問舊難矣 也

とこうことと 世之人務窮天地萬物之理不知反之一身五臟六腑 德至於無我者雖善言美行無非所過之化也 或問貞觀之治不幾三代之威乎曰關睢麟趾之意安 天地之化一息不留疑其速也然寒暑之變甚漸 息 在 人者養其善心而惡自消治民者導之敬讓而爭自 毛髮筋骨之所存鮮或知之善學者取諸身而已自 二程外書

李朴字先請教先生口當養浩然之氣又問日觀張子 多片四库全書 子謂尹厚魯張釋俊您他日過之魯者然有守也 **尹子張子見先生曰二子於其言如何尹子對曰聞先** 王信伯問學於伊川曰願聞一言先生曰勿信吾言但 生之言言下領意煩不如繹能終守先生之學繹亦 厚所作西銘能養浩然之氣者也 不如婷先生欣然曰各中其病 身以觀天地

大きりっ ここう 朝廷議授游定夫以正言蘇右丞沮止毀及伊川宰相 先生過成都坐於所館之堂讀易有造桶者前視之指 信取理 公族以陳官召過洛見伊川顯道在坐公族不語伊 蘇子容曰公未可如此頌觀過其門者無不肅也 者夫釋 耒 其姓與居則失之矣易傳曰聞之成都隱者 未濟卦問先生曰何也曰三陽皆失位先生異之問 二 **小書** 西室 田所

金片四库全書 張思叔請問其論或大高伊川不答良久曰界高必自 尹子問范淳夫之為人子曰其人如玉 為斯知言故言使不動孟子知武王故不信漂杵之 故未三日而飲皆有殺之之理 死而復蘇者故禮三日而斂然趙簡子七日猶蘇雖 蛆食其舌鼻猶不害唯伏地甚者遂致并腹腫背冷 指顯道謂之日此人為切問近思之學

學者要先會疑 邵堯夫詩曰梧桐月向懷中照楊柳風來面上吹明道 石曼卿詩云樂意相屬禽對語生香不斷樹交花明道 **** 飲定四車全書 川曰邵堯夫在急流中被渠安然取十年快樂 曰真風流人豪 曰此語形容得浩然之 如何伊治 浩 炊 之 魚 二程外書 因 師 無題山語 雇口好 雍曽問 云 銀 伊 潘 千之 昔明 Б 3明道當

或問孝天之經何也日本乎天者親上輕清者是也本 章氏之子與明道之子王氏婿也明道子死章納其婦 元經天子之史也書帝正月非也 送一皆謝遣章來欲見其子先生曰母子無絕道然 孝亦反本之謂也 乎地者親下重濁者是也天地之常莫不反本人之 君乃其父之 罪人也 先生曰豈有生為親友死取其婦者他日王氏來飽

易無妄曰天下雷行物與無妄動以天理故也其大略 或問涵養日若造得到更說甚涵養 陳經正問曰据貴一 范堯夫經遊坐睡先生語人曰堯夫胸中無事如此有 不能克已則為楊氏為我不能復禮則為墨氏兼爱故 曰親親而仁民仁民而爱物此之謂也 知我身之為我伊川笑曰他人食飽公無餒乎 朝士入朝倒執手板先生曰此人胸中不是無事 所見盈天地間皆我之性更不復

次定四軍 全書

二程外書

六

立宗必有奪宗法如卑幼為大臣以今之法自合立廟 心定者其言重以舒不定者其言輕以疾 三代忠質文其因時之尚然也夏近古人多忠誠故為 後世不守故浸而成弊雖不可以一二事觀之大縣 忠忠弊故林之以質質弊故林之以文非道有弊也 可知如堯舜馬之相繼其文章氣象亦自小典也 如此又須研究之則自有得處 不可使從宗子以祭

崇寧初范致虚言程頤以邪說故行感亂衆聽尹婷張 朱公挨為御史端笏正立嚴殺不可犯班列肅然蘇子 楊子曰觀乎天地則見聖人伊川曰不然觀乎聖人 **尹子曰馮理自號東皐居士曰二十年聞先生教誨今** 見天地 贍語人曰何時打破這敬字 有一奇特事先生曰何如理曰夜問宴坐室中有光 先生曰頤亦有奇特事理請聞之先生曰每食必飽 則

次足四年在馬

二程外書

金グロたん **尹子曰邵堯夫家以墓誌屬明道許之太中伊川不欲** 吕與叔作橫渠行狀有見二程盡棄其學之語尹子言 有之 因步月於庭明道日顏已得堯夫墓誌矣堯夫之學 先生曰三代之治不可復也有賢君作能致小康則 可謂安且成太中乃許 之先生日表叔平生議論謂願兄弟有同處則可若 '羽翼逐下河南府體究學者往别因言世故

次足刀巨戶言 崇寧問言者范致虚攻先生為元祐邪說朝廷下河南 义 酉室所聞云聖人氣數順無橫逆死學入聖域其數亦 問聰明如何磨去日使之則有不使則亡 府盡逐學 隨氣幹轉先生日學而至聖為奪造化者以此 是後來, 謂學於頤兄弟則無是事項年屬與叔刪去不謂尚 存斯言幾於無忌憚按行狀今 **所如** 改也 徒後數月馬伸樂及門求見先生辭之伸 恐 八程外書 學有內 云於是盡 本云盡 無 作 棄

或謂孔子尊周孟子欲齊王行王政何也先生曰譬如 范淳夫之女讀孟子出入無時莫知其鄉惟心之謂與 鱼灯口屋石量 雖不識孟子却能說心後嫁 欲先棄官而來先生曰近日盡逐學徒恐非公仕進 語人曰孟子不識心心豈有出入先生聞之曰此女 所利公能棄官則官不必棄也建炎問伸為御史論 事公論與之 樹有可栽培之理則栽培之不然須别種賢里 斫 耿 何

たこり 豆 ハチラ 温 或問世傳有人化虎理有之乎曰有之昔在涪見村民 有患心疾見物皆獅子伊川教之以見即直前捕執之 公農朝廷命伊川先生主其喪事是日也祀明堂禮 成而二蘇往哭温公道遇朱公挨問之公挨曰往哭 無物也久之疑疾逐愈 中之豕化雖未成而氣類相感其情已通矣 爪甲漸變如虎毛班班然通身夜開關延虎食其牢 1. 視天命之改與未改爾 二程外書

金分四月有書 伊川主温公喪事子瞻周視無關禮乃曰正叔喪禮 温公而程先生以為慶弔不同日二蘇悵然而反曰 鏖糟败裏从孫通也占野自是時時誰伊川他日國 夫輩食素泰黃輩食肉吕申公為相凡事有疑必質 好佛胡為食素正叔曰禮居喪不飲酒食肉忌日喪 忌禱於相國寺伊川令供素饌子瞻詰之曰正叔 於伊川進退人才二蘇疑伊川有力故極口武之 之餘也子瞻令具肉食曰為劉氏者左袒於是范淳 不

12 1.10 in 1.1.5 或謂科舉事業奪人之功是不然且一月之中以十日 范淳夫嘗與伊川論唐事及為唐鑑盡用先生之論先 舉之事不思好功惟患奪志 獨不可以治喪禮乎 為舉業餘日足可為學然人不志此必志於彼故科 生謂門人曰淳夫乃能相信如此 讀喪禮乎伊川不答鄒至完聞之曰伊川之母先亡 其熟也又曰軾聞居喪未葬讀喪禮太中康寧何為 二程小書

金分巴屋台書 官婢行酒暢大隱力拒之先生聞而不善之也將 或謂漢史天子建中和之極學者甚病中與極之語曰 程氏自先生兄弟所葬以昭穆定穴不用墓師以五色 明道先生每與門人講論有不合者則曰更有商量伊 帛埋旬日視色明暗卜地氣善否 極 此亦有禮中和猶木材也極猶屋之極有中和斯 傅 如有木材斯可建屋之極學者須識此氣象此 卷十: 道字 有 温一

謝 **尹子曰先生謂侯師聖議論只好隔壁聽** 尹子曰先生年七十四得風痺疾服大承氣湯則小 是年九月服之輕利醫者語家人曰侍講病不此常 時時大觀元年九月也十六日入 顯道崇寧問上殿不稱古先生聞之喜已而就監門 間建 中 /職陳貴一 則直曰不然 問謝顯道如何人先生曰由求之徒 視先生以白夾被 愈

次足四軍亡島

二程外書

司馬温公解副樞名冠一時天下無賢不肖浩然歸重 高也及申公自河陽乞在京官祠神宗大喜召登樞 陽明道以詩送行復為詩與温公蓋恐其以不出為 府人以二公出處為優劣二先生曰吕公世臣不得 吕申公亦以論新法不合罷歸熙寧末申公起知河 門者報先生傾殂 而氣復者安候也頤愈覺贏多厚既還十七日有叩 被體坐竹林舉手相揖焞喜以為疾去先生曰疾去 1:1:11 F 大己日白 公司 伊 問 酉室所聞云顏子得淳和之氣何故天曰衰周天地 取 一也與與如也日恭而安與與容與之貌有雅 氣有限養得仲尼已是多也養常人 何舜 客氣象人王信 不歸見上司馬公諍臣不得不退處 以易傳示門人曰只說得七分後人更須自體究 也曰此聖人之心之部盡善武王之 川伯 义語 有所未足 日與與家 二程外書 與如 之也 之和 生氣 貌曰 又恭 生 問 栭 亦 孔安王信 籍須 外和 和

我好四周白書 陳經邦問詩說言唐魏已變先代之風又言先聖流風 問日與叔云不倚之謂中先生謂近之而詞未堂如何 釋氏談道非不上下 聖人之都風化所厚聖人之國典法所存唐魏聖人 遺俗盡故次以陳兩意似不異何以分先後先生曰 日無倚著處 极夷狄之風則典法隨而亡矣三代之後有志之士 都其風雖變而典法尚在陳舜之後聖人之國亦 貫觀其用處便作兩截

次足四年在馬 范温識張思叔曰買取錦屏三畝地蒲輪未至且躬耕 張思叔作商稅院題名記先生以為得體季邦直卒 是公所為乎思权唯唯他日别製祭文用之曰世推 思权作祭文多溢美先生顧思叔曰商稅院題名記 先生聞之曰於張繹有何加損也 欲復先王之治而不能者皆由典法不備故典法尚 存有人舉而行之無難矣 文章位登丞輔編簡見其才華廊廟存其步武 二程外書 1

孟子知言即知道也故淫邪遁是觀人之言而知之 横渠學堂雙牖右書訂頑左書砭愚伊川曰是起乎端 范淳夫之葬先生為之經理掘地深數丈不置 金にといたとう言 直 改之曰東銘西銘 之日招左近父老犒以酒食示之其後發塚者相繼 而淳夫墓獨完 可以考其書然本意唯為觀人之言也 則其無浩然養之則為大人

次足刀車在馬 或問旱乾水溢則變置社稷社稷土地之神如何變置 或問孔子何幾大閱曰講武必於農院魯之八月夏之 始以其有功水土故祀之今以其水旱故易之 配者果能致力於水旱乎曰古之人作事唯實而已 有功水土者為配旱氧水溢則變置所配之人曰所 曰勾龍配食於社棄配食於稷諸侯之國亦各以其 六月也盛夏閱兵妨農害人其失甚矣有警而為之 便是執中底道理 二程外書 古

生少口屋石電 言左傅非丘明作虞不臘矣并庶長皆秦官秦語 謂事親舍樂物可也是非君子之言 則無及也無事而為之則妄動也

大飞马巨 公子 欽定四 庫全書 御史俸薄故臺中 可以死可以無死死傷勇夫人之於死也何以知可不 則義所以對死者也程伯淳聞而謂子曰義無對 可哉蓋視義為去就耳子嘗曰死生之際惟義所在 傳聞雜記 程外書卷十二 有聚聽向火分廳喫飯之語熈寧初 二程外書 朱 子 編

程正叔先生曰樞密院乃虚設大事三省同議其他乃 鱼芡巴犀石膏 治平中見正叔先生云今之守令唯制民之產一事不 伯淳為予言 得為其他在法度中甚有可為者患人不為耳 權神宗改官制亦循此意 程伯淳入臺為裏行則反之遂聚廳喫飯分廳向火 有司之事兵部尚書之職然藝祖用此以分宰相之 右二事見王氏塵史王得臣字彦輔

大王丁四 1. 温公弗門人或欲遺表中入規諫語程正叔云是公平 程正叔言同姓相見當致親親之意而不可叙齒以拜 程之學以理人為必可學而至而已必欲學而至於 盖昭穆高下未可知也 生未當欺人可死後欺君平 聖 右二事見吕氏發明義理同上 右二事見吕氏家塾記日希哲字原明 二程外書

金灯四月五十 元祐二年正月二十五日戊寅内侍至資善傳旨權罷 二月十五日戊戌正叔講一言可終身行之其恕乎因 御遍英至是始發德音 權罷講臣等甚驚里躬别無事否上曰别無事自初 微傷食物曽取勤樂恐未能久坐令講讀少進說是 講一日二十七日庚辰資善吏報馬宗道云上前日 日正叔略講畢奏云臣等前日臨赴講遊忽傅聖旨 右一事見吕氏酬酢事變同上

三月二十六日戊寅正叔獨奏乞自四月就寬凉處講 四月六日丁亥講讀依舊邇英閣顧子 甚多 坐殿上違咸造勿褻之義持國微仲進呈令修彌 讀二十八日移講讀就延和 和執政得 八十餘即位猶書田家詩二首於殿壁其詩云進説 八君當推已欲惡知小民飢寒稼穑艱難明宗年 賜坐毀於已為至荣豈可使講讀小 二程外書 敦封駁以為延

多片四库全書 先生離京曽面言令光庭說與淳夫為資善堂見畜小 十五日丙申邇英進講文公以下預馬邇英新修展御 坐比舊近後數尺門南北皆朱漆釣窗前嚴設青幕 閣多置軒窗已得古而吕公方入令修延義閣簾内 障日殊寬涼矣 魚恐近冬難畜託淳夫取來投之河中數次朝中不 云此待别有擘畫未知何所也 右范太史日記范祖馬字淳夫

人工可可 上五 元符末徽宗即位皇太后垂簾聴政有肯復哲宗元祐 皇后孟氏位號時有論其不可者曰上於元祐后叔 嫂也叔無復嫂之禮伊川先生謂邵伯温曰元祐后 遇故因循至此專奉手啟幸便為之 妻父母不悦出子不宜其妻父母曰是善事我子行 之賢固也論者之言亦未為無理伯温曰子甚宜其 夫婦之禮馬太后於哲廟母也於元祐后姑也母之 石朱給事與范太史帖朱庭光字公技 二程外書

金片四周百量 **兀豐八年神宗升退遗詔至洛程宗丞伯淳為汝州酒** 官以檄來舉哀府治既罷謂留守韓康公之子宗師 除監司顏不敢當念先帝見知之思終無以報已而 泣兵部問今日朝廷之事如何宗丞曰司馬君實**日** 晦叔作相矣兵部曰 二公果作相當何如宗丞曰當 兵部日顥以言新法不便忤大臣同列皆謫官顥獨 之言得之矣 命姑之命何為不可非上以叔復嫂也先生喜曰子

荆 公置條例司用程伯淳為屬一日風暑荆公與伯淳 對語公子零囚首既足攜婦人冠以出問荆公曰所 議晦叔解事恐力不足耳既而皆驗宗及論此時范 宗丞曰元豐大臣皆嗜利者若使自變其已甚害民 與元豐大臣同若先分黨與他日可憂兵部曰何憂 言何事荆公日新法數為人沮與程君議雾箕踞以 淳夫朱公掞杜孝錫伯温同聞之 之法則善矣不然衣冠之禍未义也君實忠直難與 二里十二 5

一卸定四库全書 九祐初文路公以太師平章軍國重事召程正叔為崇 政殿說書正以的道自居侍上講色甚能以 遽日兒惧矣伯淳正色 日方與祭政論國事子弟不 坐大言曰梟韓琦富獨之首於市則新法行矣荆公 上畏之潞公對上甚恭進士唱名侍立終日上屢曰 君之倨視路公之恭議者以為未盡正叔曰路公三 太師少休頓首謝立不去時年九十矣或謂正叔 可預姑退雾不樂去伯淳自此與荆公不合 諷諌

伯淳先生嘗日熙寧初王介甫行新法並用君子小 大三丁豆 二百 朝大臣事幼主不得不恭吾以布衣為上師傅其敢 馬右實不拜副極以去范堯夫解修注得罪張天祺 苟容諂佞介甫以為有才知變通適用之君子如司 君子正直不合介甫以為俗學不通世務斥去小 則執之愈堅君子既去所用小人爭為刻薄故害天 以御史面折介甫被責介甫性很愎聚人以為不可 不自重吾與潞公所以不同也識者服其言 二程外書

金分四月子書 伊 川先生既治州渡漢江中流船幾覆舟中人皆號哭 當船危時君正坐色甚莊何也伊川曰心存誠敬耳 老父曰心存誠敬固善然不若無心伊川欲與之言 伊川獨正襟安坐如常已而及岸同舟有老父問曰 之甚也 章尚有聽從之理則小人無隙可乗其害不至如此 下益深使衆君子未與之敵俟其勢久自緩委曲平 而老父徑去

宗丞先生謂伯温曰人之為學忌先立標準若循循不 大元日 und Lining 責者宜慎之恐其或有立也 講日凡所部公吏雖有罪亦當立案而後決或出於 出先人既沒伯温鑿壁為門侍講先生見之曰先生 規畫必有理不可改作伯温亟塞之伯温初入仕 已自有所至矣先人做廬廳後無門由旁舍委曲以 私怒比具案怒亦散不至倉卒傷人每決人未經杖 右七事見邵氏聞見録師先生之子文 二程外書 侍

金分巴屋台書 孔子白天之將喪斯文也後死者不得與於斯文也天 或問明道先生如何斯可謂之恕先生曰充擴得去則 覺耳孟子地位未能到此故曰天未欲平治天下也 與天為一矣蓋理人德盛與天為一出此等語自不 便言後死者不得與於斯文則是文之興喪在孔子 如欲平治天下當今之世舍我其誰聽天所命未能 之未喪斯文也匡人其如子何於天之將喪斯文 明道

横渠嘗言吾十五年學箇恭而安不成明道曰可知是 敢問何謂浩然之氣孟子曰難言也明道先生云只他 明道嘗曰吾學雖有所受天理二字却是自家體貼出 學不成有多少病在 道箇難言也便知這漢肚裏有爾許大事若是不理 蕃充擴不去時如何曰天地閉賢人隱 會得底便撐拄胡說將去 為怨心如何是充擴得去底氣象曰天地變化草木

大足の馬公島

二程外書

陕西曾有議欲罷鑄銅錢者以謂官中費 金人口屋石電 貫為無利伊川日此便是公家之利利多費省私鑄 減之 而歲入溢温公 洏 來 伊川曰若增鈔價賣數須減鹽出既衆低價易之 者衆費多利薄益鑄者息盗鑄者息權歸公上 食鹽鹽不停積歲入必數已而增釣價歲額果虧 何又曾有議解鹽鈔欲高其價者增六千為 初起時欲用伊川伊川曰带累 貫鑄得 非 利

欧里四草全 温公作中庸解不曉處闕之或語明道明道曰關甚處 明道先生善言詩作又渾不曽章解句釋但優游玩味 明道嘗論吕微仲曰宰相吕微仲須做只是這漢俗 法伊川使人語之曰切未可動著役法動著即三五 年不能得定疊去未幾變之果紛紛不能定 **曰如强哉矯之類明道笑曰由自得襄將謂從天命** 調性處便關却 去裏使韓富在時吾猶可以成事後來温公欲變 二程外書

孟子曰養心莫善於寡欲此一句如何謝子曰吾昔亦 曾問伊川先生曰此一句淺近不如理義之悦我心 **猶獨奏之悦我口最親切有滋味然須是體察得理** 義之悦我心真箇猶獨豢始得明道先生曰操則存 吟哦上下便使人有得處瞻彼日月悠悠我思道之 舍則亡出入無時非聖人之言也心安得有出入乎 不忮不求何用不臧歸於正也 云遠曷云能來思之切矣終日百爾君子不知德行 五台 次已刀軍人馬 問莊周與佛如何伊川曰周安得比他佛佛說直有高 謝子與伊川别 吾曽歷舉佛說與吾儒同處問伊川先生曰恁地同處 甚工夫謝曰也只去箇科字曰何故曰子細檢點得 雖多只是本領不是 甚底 東西指天説地怎消得恁地只是家常茶飯誇逞 妙處莊周氣象大故淺近如人睡初覺時乍見上 年往見之伊川曰相别又 二程外書 察差却 **一做得** 箇

金片口匠石電 問有鬼神否明道先生曰待向你道無來你怎生信得 謝子曰吾當習忘以養生明道曰施之養生則可於道 者也 來病痛盡在這裏若按伏得這箇罪過方有向進處 伊川點頭因語在坐同志者曰此人為學切問近思 則有害習忘可以養生者以其不弱情也學道則異 於是必有事焉而勿正何謂乎且出入起居寧無事 及待向你道有來你且去專討看

苗履見伊川語及一 二十年前往見伊川伯 高則當愈思所以報國者饑則為用飽則楊去是以 官高而自爱不肯向前伊川日何自待之輕乎位愈 鷹犬自期也 **留情故聖人心如鑑孟子所以異於釋氏此也** 曰天下何思何慮伊川曰是則是有此理賢却發得 者正心待之則先事而迎忘則涉乎去念助則近於 武帥苗曰此人舊日宣力至多今 伯淳作伊川日近日事如何某對 二等小輪 Ļ

昔伯淳教誨只管著他言語伯淳曰與賢說話却如扶 每進語相契伯淳必曰更須勉力 明道初見謝語人曰此秀才展托得開將來可望 明道先生坐如泥塑接人則渾是一團和氣 醉漢救得 工夫也 太早在伊川直是會鍛鍊得人說了又恰道恰好著 叔視伯淳墳當侍行問佛儒之辨正叔指牆圍曰吾 一邊倒了 邊只怕人執著 邊

多定匹庫全書

學者先學文解有能至道至如博觀泛覽亦自為害故 謝子見河南夫子解而歸才子送焉問日何以教我謝 明道先生教余當日賢讀書慎不要專行數墨 儒從裏面做豈有不是佛氏只從牆外見了却不肯 子曰吾徒朝夕從先生見行則學聞言則識譬如有 頭力去將如之何尹子反以告夫子夫子曰可謂益 來做不可謂佛氏無見處 服鳥頭者方其服也顏色悦澤筋力强威一旦鳥 二程小書 ナニ

彭定四库全書 昔錄五經語作 伯淳謂正叔曰異日能尊師道是二哥若接引後學隨 明道見謝子記問甚博曰賢却記得許多謝子不覺身 淳常談詩並不下一字訓話有時只轉却 友矣 汗面赤先生曰只此便是惻隱之心惻然有 才成就之則不敢讓 撥地念過便教人省悟石曰古人 册伯淳見謂曰玩物喪志 籺 所以貴親及之 兩字點

欠己り良い言 那七云一日三點檢伯淳曰可哀也哉其餘時多會甚 張橫渠著正家時處處置筆硯得意即書伯淳云子 却如此不熟 事蓋做三省之說錯了可見不曾用功又多逐人面 便不得不説 一説 伯淳語云人有四百四病皆不由自家則是心須 般話伯淳責之邢曰無可說伯淳曰無可說 二程外書 主

堯夫易數甚精自來推長歷者至久必差惟堯夫不然 多灯区屋 刍重 伊川與君實語終日無 指一二近事當面可驗明道云待要傳與某兄弟某 教由自家 熟一日因監試無事以其說推算之皆合出謂堯夫 曰堯夫之數只是加 兄弟那得工夫要學須是二十年功夫明道聞說甚 卷十二 一倍法以此知太玄都不濟事 句相合明道與語直是道得

舉明道云忠恕兩字要除一箇除不得 明道語云病臥於牀委之庸醫比於不慈不孝事親者 道曰加倍之數如何日都忘之矣因歎其心無偏緊 數為知天知易理為知天堯夫云須還知易理為知 如此 問甚處起伊川云起處起堯夫愕然他日伊川問明 天因說今年雷起甚處伊川云堯夫怎知某便知又 堯夫驚撫其背曰大哥你恁聰明伊川謂堯夫知易

大王口面 八十五

二程外書

范夷叟欲同二 金欠四周百章 明道云必有關雎麟趾之意然後可行周公法度 伯淳先生云别人哭飯從脊皮上過我喫飯從肚裏去 先生曰明道嘗言學者不可以不看詩看詩便使 **輩為辭明道云又何妨一** 亦不可不知醫 格價 右三十七條見上蔡語録湖良佐字顯 程去看屬地黃明道率先生先生以前 巷 般是 道

明道在顏昌先生專醫調官京師因往顏昌從學明道 可不一 客曰吾道南矣先是建安林志寧出入潞公門下求 甚喜每言日楊君最會得容易及歸送之出門謂坐 教潞公云某此中無相益有二程先生者可往從之 投石然亦未嘗不稱其善伊川自治歸見學者凋落 但聰悟不及先生故明道每言楊君聰明謝君如水 因使人送明道處志寧乃語定夫及先生先生謂不 見也於是同行時謝顯道亦在謝為人誠實 ニ星トと

| 欽定四庫全書 明道先生作縣凡坐處皆書視民如傷四字常曰顏常 扶溝地早歲有水旱明道先生經畫溝洫之法以治之 伊川二十四五時日原明首師事之 愧此四字 夷狄矣唯有楊謝二君長進 多從佛學獨先生與謝丈不變因數曰學者皆流於 未及與工而先生去官先生曰以扶溝之地盡為溝 右四條見龜山語銀楊時字中立二

渔必數年乃成吾為經畫十里之間以開其端後之 為盡故吾於扶溝與設學校聚邑人子弟教之亦幾 成而廢夫百里之施至狭也而道之興廢繫馬是數 民凶年饑歲免於死亡飽食逸居有禮義之訓然後 興廢則非矣此吾所以不敢不盡心也 事者皆未及成豈不有命與然知而不為而責命之 知其利必有繼之者矣夫為令之職必使境內之 事見庭開黨銀楊公之子 二程外書 十六

多定四庫全書 伊川先生在經筵每進講必博引廣喻以曉悟人主講 朱公挨來見明道於汝歸謂人曰光庭在春風中坐了 明道先生謂謝子雖少魯直是誠為理會事有不透其 覺顧謂曰賢輩尚在此乎日既晚且休矣及出門門 故有許多若還記却無許多也 退范堯夫曰先生怎生記得許多先生曰只為不記 外之雪深一尺 箇月游楊初見伊川伊川瞑目而坐二子侍立既

飲之四車全書 和靜嘗請曰其今日解得心廣體胖之義伊川正色曰 靜嘗以易傳序請問日至微者理也至著者象也體 **之得** 耳已言 如何和靜曰莫只是樂否伊川曰樂亦沒處著 用 明說破猶自人不解悟甚善日堅中銀云伊川日亦不明說破猶自人不解悟和寬銀云伊川日汝看得如此 顏有批其憤悱如此 右三事見侯子雅言兵仲良字師聖 一源顯微無問莫太洩露天機否伊川曰如此 二程外書 丰 分

思 ,靜偶學虞書伊川曰賢那得許多工夫 日靜坐和靜盖敦夫名厚賴張思权侍伊川指面前 錯顛客貌傾側皆亂也 亂聖人豈有作亂者事但恐亂其氣血致疾或語言 日置酒伊川日飲酒不妨但不可過惟酒無量不及 权詬詈僕夫伊川曰 川歸自涪州氣貌客色髭髮皆勝平昔門人問何以 水盆語日清靜中 物不可著才著物便搖動 何不動心忍性思叔慙謝

大王四十年 年 鮑若雨劉安世劉安節數人自大學謁告來洛見伊川 富贵崇達即不須學也 和靜以此為問和靜曰堯舜之道止於孝弟孝弟非 得此先生曰學之力也大凡學者學處患難貧賤若 堯舜不能盡自冬温夏清昏定晨省以至聴於無聲視 問堯舜之道孝弟而已矣堯舜之道何故止於孝弟 伊川曰曽見尹焞否曰未也請往問之諸公遂來見 於無形又如事父孝故事天明事母孝故事地察天

二程外書

金りし 游定夫酢問伊川曰戒慎乎其所不睹恐懼乎其所 使其説亦不過此 聞便可馴致於無聲無臭否伊川曰固是後謝顯道 地 候問伊川如定夫之問伊川曰雖即有此理然其 大聖人不能盡此復以此語白伊川伊川曰極是縱 明察神明彰矣直至通於神明光於四海非堯舜 右八事涪陵記善銀馬忠 上したい 般數謝曰既云可馴致更有何般數伊 字彦明 恕 所 伊 歆 끼 尹 先 生語 門尹 間

大己口自 公子 楊子安侍郎學禪不信伊川每力攻其徒又使其親戚 時方揮扇伊川以扇柄畫地一下日從這裏起子 是馴致之道然他却以性為惡桀紂性也堯舜偽也 川自涪陵歸過襄陽子安在焉子安問易從甚處起 用乎先生日固是只為開眼即是病王屈服以歸伊 似此剔致便不錯了 如荀子謂始乎為士終乎為聖人此語有何不可亦 王元致問難於和靜先生曰六經蓋樂也無病安所 二程外書 圥

伊川與和靜論義命和靜曰命為中人以下說若聖 悔不更問此畫從甚處起和靜以告伊川伊川曰待 他問時只與嘿然得似箇子安更喜懽也先生舉示 辜而得天下皆不為也奚以命為伊川大賞之又論 只有箇義伊川曰何謂也和静曰行一不義殺一 子安子安由此遂服 無語後至洛中子安舉以告和靜先生且曰某當時 動靜之際間寺僧撞鐘和靜曰說者靜便多一箇動

金岩口犀石量

大己印度 A.T. 先生曰伊川常愛衣皂或塼褐紬襖其袖亦如常人 謝顯道習舉業已知名往扶溝見明道先生受學志甚 陽死生亦然 篤明道 故其學心口不相應盍若行之請問焉曰且靜坐伊 戴紗 字說動亦然伊川頷之和靜每日動靜只是一 川每見人靜坐便戴其善學 ·背後望之如鐘形其製乃似今道士謂之仙 日謂之曰爾輩在此相從只是學其言語 二程外書 理陰

先生曰張思叔一 郭忠孝每見伊川問論語伊川皆不答 先生常問伊川為飛戾天魚躍于淵莫是上下 伊川曰到這裏只得點頭 桃巾者然不曽傳得樣不知令人謂之習伊川學者 事天伊川曰釋氏只令人到知天處休了更無存 日子從事於此多少時所問皆大且須切問而近 袖方頂何謂先生在洛 日於伊川坐上理會盡心知性知 中 巾 一日伊川語 理否 之 思

金片区犀马星

昔劉質夫作春秋傳未成每有人問伊川必對曰已令 先生曰有人問明道先生如何是道明道先生曰於君 先生嘗問於伊川如何是道伊川曰行處是 養性事天也思叔曰知天便了莫更省事否伊川 子何似顏子顏子猶視聽言動不敢非禮乃所以事 臣父子兄弟朋友夫婦上求 劉絢作之自不須某費工夫也劉傳既成來呈伊川 天也子何似顏子

K2.19 at 1. 10

二程外書

Ē

多分口月分言 先生曰初見伊川時教其看敬字某請益伊川曰主 張思叔三十歲才見伊川後伊川 鄉 謝浸提學字持正解春秋成來呈伊川伊川曰更 伊川沒後方得見今世傳解至閱公者昔又有蜀 則是敬當時雖領此語然不若近時看得更親切寬 〒年後子方可作謝久從伊川學其傳竟不曽敢出 曲自見伊川後作文字甚少伊川每云張繹朴茂 八請觀伊川曰却須著某親作竟不以劉傳示 年卒初以文間於

とこりま ここう 益伊川整衣冠齊容貌而已趙舉示先生先生於趙 收斂更著不得毫髮事非主一而何又曰昔有趙承 問如何是主一 收問學於伊川答曰學之大無如仁汝謂仁是如何 議從伊川學其人性不甚利伊川亦令看敬字趙請 言下有箇省覺處 収斂身心便是主一 謝久之無入處一日再問日愛人是仁否伊川日愛 願先生善喻先生曰敬有甚形影只 且如人到神祠中致敬時其心 二程外書

Ī

多片四月全書 先生曰司馬温公平生用心甚苦每患無著心處明道 涵養 處甚安明道日何謂也温公曰只有一箇中字著心 伊川敦其未止一日温公謂明道某近日有箇著心 只是揀得一箇好字却不如只教他常把一串念珠 於中甚覺安樂明道舉似伊川伊川曰司馬端明却 已伊川曰何謂也先生曰能好人能惡人伊川曰善 八乃仁之端非仁也謝收去先生曰某謂仁者公而

大已习巨产 韓持國與伊川善韓 謝顯道人住太學告行於伊川云將還蔡州取解且欲 學解 的是何 改經禮記伊川問其故對曰太學多士所萃未易得 子貢不受命而貨殖蓋如是也顯道復還次年獲國 之不若鄉中可必取也伊川曰不意子不受命如此 却似省力試說與時他必不受也又曰著心只那著 在頻昌欲屈致伊川明道預戒 二程外書 Ŧ

金グログとう 王介甫為舍人時有雜説行於時其粹處有曰莫大之 皆逐去之子彬叔名宗質 從長者行敢笑語如此韓氏孝謹之風衰矣持國 驕富貴有何不可伊川嘗曰若使介甫只做到給事 惡成於斯須不忍又曰道義重不輕王公志意足 子好使置一室至於修治窗户皆使親為之 行次有言貌不莊敬者伊川回視厲聲叱之曰汝輩 如此二先生到暇日與持國同游西湖命諸子侍行 **人其誠敬**

文足可巨人的 周恭叔仍自太學早年登科未三十見伊川持身嚴苦 替遂娶禹愛過常人伊川曰某未三十時亦做不得 塊坐一室未嘗窺牖幼議母黨之女侄科後其女雙 此 先生説話也張以告伊川伊川然之 中誰看得破 (歸自涪陵謝顯道自蔡州來洛中再親矣焉久之 川謂先生及張思叔釋曰可去同見謝良佐問之 回見吾有何所得尹張如所戒謝曰此來方會得 二程外書 黄

温 金グロ屋とこ 州鮑若雨新與鄉人 其體 可得 手倡 體 洛中監水南羅場以就伊川會伊川有涪陵行後數 見先生鮑來見且問堯舜之道孝弟而已矣如 知又曰知又何妨此不害義理伊川歸洛先生以是 告之伊川曰此禽獸不若也豈得不害義理又臣 此事然其進銳者其退速每嘆惜之周以官事求 **周以酒席有所屬意既而密告人曰勿令尹彦明** 賤 十輩人從伊川 巷 日伊川遣

火已日日八十 明 諸人謂子斬學不以教渠果否先生曰某以諸公遠 地父母只一箇道理諸公尚疑馬先生曰曲禮視於 哉孝經事父孝故事天明事母孝故事地察只為天 堯舜道大孝弟不能盡也孟子下箇而已字豈欺我 來依先生之門受學其追敢輕為他說萬一有少差 無形聽於無聲亦是此意也諸公釋然歸以告伊川 生日賢懑只為將堯舜做天道孝弟做人道便見得 伊川日教其説不過如是次日先生見伊川伊川曰 二程外書 直

金好口居石量 王介甫與自子固華善役法之變皆自參酌之晚年亦 宜損益可疑 役法凡曰元豐者皆用意更改當時若使子固定必 便不惧他 相联伊川常言今日之禍亦是元祐做成以子瞻定 **術故也伊川每日青苗決不可行舊役法大弊須量** 必能變之况又元經他手當知所裁度也此坐元祐 無損益者又是他黨中自可杜絕後人議也因其睽 生伊川領之

伊川論國朝名相必曰李文靖 彬叔曰先生遠來無以為意我有黃金樂楪 侍食因從客道吾意彬叔侍食如所戒試啟之先生 馬久留顏昌韓早晚伴食體貌加敬 川與韓持國善當約候韓年八十一往見之問 中須當暫往頻昌見韓持國蓋韓八 十兩似可為先生壽然未敢遽言我當以他事使子 正月一日因弟子賀正乃曰某今年有一债未還春 二星小雪 八十也春中往造 日韓密謂子 重二 間

多穴四库全書 王子真惟來洛中居於劉壽臣園亭中一日出謂園丁 遇而選子真晚歸又一日忽戒灑埽又於劉丐茶二 别 歸韓謂彬叔曰我不敢面言政謂此爾再三謝過而 杯炷香以待是日伊川來款語終日蓋初未嘗夙告 日或人來尋慎勿言我所向是日富韓公來見焉不 曰某與乃翁道義交故不遠而來奚以是為話朝逐 也劉詰之子真曰正叔欲來信息甚大又嵩山前有

先生嘗問伊川春秋解伊川每日已令劉絢去編集俟 造馬董平日未嘗出卷是日不值還至中塗遇一 董五經隱者也伊川聞其名謂其為窮經之士特住 生欲來信息甚大某時入城置少茶果將以奉待也 川曰靜則自明也 伊川以其誠意復與之同至其舍語甚款亦無大過 《者但久不與物接心靜而明也先生問於伊川 自茶果以歸且日 君非程先生乎伊川異之日先

大王马巨白雪

二程外書

圭

金人口屋人 孟敦夫厚來伊川又從王氏而舉業特精獨處一室糞 穢不治嘗獻書於伊川伊川曰孟厚初時說得也似 須自做也自涪陵歸方下筆竟不能成書劉集終亦 其來一日劉集成呈於伊川先生復請之伊川曰當 其後須沒事生事一日語之曰子胡不見尹焞張繹 不出 朋友間最好講學然三公皆同齒也敦夫來見先生 曰先生令某來見二公若彥明則某所願見如思叔

寬因問伊川謂永叔如何先生曰前輩不言人短每見 横渠昔在京師坐虎皮説周易聴從甚衆一夕二程先 見某之心也伊川嘗謂學者曰孟厚不治一室竟亦 莫不消見否先生曰只不消見思叔之心便是不消 者皆亂道有二程近到深明易道吾所弗及汝輩可 生至論易次日橫渠撤去虎皮曰吾平日為諸公説 何益學不在此假使埽灑得潔淨莫更快人意否 論前輩則日汝輩且取他長處

大型豆 儿子

二程外書

王

金少四月白潭 先生曰昔與范元長同見伊川偶有幹先起下階伊川 明道説仁宗一日問折米折幾分日折六分怪其太甚 謂范曰君看尹彦明他時必有用於世 却令如舊又禁中進膳飯中有砂石含以密示嬪御 有司言已供盡近侍曰市有鬻者請買之上曰不可 曰切勿語人朕曾食之此死罪也又一日思生荔枝 也有肯只令折五分次供進偶覺藏府曰習使然也 逐日虎皮 更不出 虎皮也逐日 虎皮出是 **一横渠乃歸陕西**

先生曰楊中立答伊川論西銘書云云尾説渠判然無 マニア・シー・ 先生曰某纔十七八歲見蘇季明教授時某亦習舉業 望此蘇曰子謂狀元及第便是了否唯復這學更有 蘇曰子修舉業得狀元及第便是了也先生曰不敢 夜中甚飢思燒羊頭近侍乞宣取上曰不可今次取 令買之來歲必増上供之數流禍百姓無窮又一日 疑伊川曰楊時也未判然 之後必常備日殺三羊暴珍無窮竟夕不食 二唑外虫 £

舒坟四库全書 先生與思叔共學之久一日伊川問二子尋常見處同 得若思叔則某未敢保他伊川笑曰也是也是自後 裏先生疑之日去見蘇乃指先生見伊川後半年方 否為我言之先生曰某不逮思叔如凡有請問未達 得大學西銘看 必三四請益尚有未得處久之乃得如思叔則先生 每同請益退伊川必謂諸郎曰張秀才如此不待尹 才說便點頭會意往往造妙只是某雖愚鈍自保守

南方學者從伊川既久有歸者或問曰學者久從學於 てこうう ハン 司馬温公修通鑑伊川 若夫自得尤難其人謂之得者便是已有也豈不難 秀才肯待 是指與得箇岐徑令他尋將去不錯了已是成大縣 門誰最是有得者伊川曰豈便敢道他有得處且只 哉若論隨力量而有見處則不無其人也 也伊川曰太宗肅宗端的如何温公曰皆篡也伊 二程外書 日問修至何代温公曰唐初 Ŧ

多穴四犀至書 與叔問伊川曰其見孟子亦有疑處舜為法於後世我 則有之 猶未免為鄉人憂之 乎 法 取 成功業此聖人所取其反正也魏徵只是事響何所 日此復何疑伊川日魏徵如何温公曰管仲孔子與 之某於魏徵亦然伊川曰管仲知非而反正忍死以 即温公竟如舊說管件)疑則無夫何故人所當憂不得不憂如孔子 如何如舜而已伊川日聖人 實件無過 有' 者 也過 功善 補 雖 者 多何足 人憂

先生日近有人說伊川自比孔孟先生曰某不識明道 先生曰悟則句句皆是這箇道理道理已明後無不是 語也 是吾憂也若疑則無之矣 此事也如孔子謂六十而耳順聞無不通然後可至 每見伊川説學問某豈敢比先兄由是推之決無此 不踰矩也明道作洛河竹木務時過 題要不問守本分時田明之隨行明道每過以日 二星十十二 一寺門墙上有 Ē

欽定匹庫全書 先生曰伊川易序既成其中有曰體用一 生謂寬曰看伊川此語豈不是悟則句句是凡一言 先生聞此語復問伊川伊川曰只為人不能盡分先 才說盡分便不消說悶也 先生告伊川曰似太洩漏天機伊川曰汝看得如此 甚善伊川作詩序二篇昔人傳之不真先生一日請 句便推到極處看盡分字是大小氣象又謂寬曰 日明之問之明道曰只被人不守本分也後 源顯微無間

先生一 先生云初見伊川先生一 問曾作否伊川曰有之但不欲示人再三請乃得之 見伊川問仁曰仁者愛人便是仁乎伊川曰愛人仁 不得 日心廣體胖只是自樂伊川日到這裏和樂字也著 日為子出此二篇今傳之者是也 右四十一 日看大學有所得欲舉似伊川伊川問之先生 一條見祁寬所記尹和靜語魔字 二星小書 日有江南人鮑某守官西京 Ē

多定四库全書 伊川自涪陵歸易傳已成未當示入門弟子請益有 伊川使人抄范純夫唐鑑先生問曰此書如何伊川 易書者方命小奴取書篋以出身自發之以示門弟 以至仁者惟公爾人能至公便是仁 伊川沈思久之曰思而至此學者所難及也天心所 之忽有所得遂見伊川請益曰某以仁惟公可盡之 足以垂世唐鑑議論多與伊川同岐事之類 义事耳先生時侍坐歸因取論語中說仁事致思久 房

次足四重全售 明道管謂人曰天下事只是感與應耳先生初聞之以 問伊川曰此事甚大 機也伊川戴美曰近日學者何當及此某亦不得已 受之歸伏讀數日後見伊川伊川問所見先生曰某 而言馬耳 固欲有所問然不敢發伊川曰何事也先生曰至微 者理也至著者象也體用一 **丁非所請不敢多閱一日出易傳序示門弟子先生** 八人當自識之先生日綏之斯來 二程外書 源顯微無間似太露天 壴

金グロカとう 先生又云見王信伯云昔時問鼓萬物而不與聖人同 門弟子請問易傳事雖有一字之疑伊川必再三喻之 憂之意於張思叔思叔對曰堯舜其猶病諸後因侍 致有為之事故憂 以思叔之語伊川曰不然天地以無心故不憂聖人 伊川伊川問鼓萬物而不與聖人同憂如何説則對 蓋其潛心甚久未嘗容易下一字也 動之斯和是亦感與應乎曰然

昔嘗請益於伊川日某謂動靜 游定夫問伊川戒慎乎其所不睹恐懼乎其所不聞及 聞寺鐘聲某曰譬如此寺鐘方其未撞時聲固在也 無事恭叔請問伊川日如荀子云學者始乎為士終 先生與周恭叔以此語問伊川伊川曰然其間亦豈 其至也至於無聲無臭乎伊川日馴此可以至矣後 伊川喜曰且更滔養 乎聖人 可以明之 二星十二 理伊川日試諭之適

昔見伊川問易草坤二卦斯可矣伊川曰聖人設六十 有人說無心伊川曰無心便不是只當云無私心 多分四库全書 游定夫忽自太學歸蔡過扶溝見伊川伊川問試有期 舉者實少伊川笑之定夫請問伊川曰是未知學也 宣無義無命乎定夫即復歸太學是歲登第沒失字 道 四卦三百八十四爻後世尚不能了乾坤二卦豈能 何以歸也定夫曰某讀禮太學以是應試者多而鄉

鮑若雨與同志數人見伊川問堯舜之道孝弟而已矣 恐孝弟不足以盡堯舜之道伊川令與和靜商量諸 盡也既坐伊川復日子以為何人分上事對日聖人 能盡孝弟之道者惟堯舜能之諸人 十四乎 分上事曰若聖人分上事則乾坤二卦亦不須況六 八見和靜和靜對日此何所疑孝以事親弟以事長 が戴帽桶八寸簷七分四直 二里十二 八未喻和静日且 1

張思叔與和靜侍伊川伊川問曰賢董尋常商量事有 道此箇道理如何鮑復見伊川伊川曰某亦不過如 後問之和靜曰此道衆所公共某何敢秘其说但恐 疑處否對曰張某所說某不疑某所說張某不疑張 此說鮑又日尹秀才直是秘此道不肯容易說伊川 某聰明道頭知尾某必待再三問然後曉然但恐張 如孝子視於無形聽於無聲孝弟之至通於神明且 語有差則有累學者伊川曰某思慮不及

欽定匹庫全書

問將孔子之言切要處思索如何曰須是熟看語孟玩 問 味咀嚼伊川云若熟看語錄亦自得者此也當時門 某守不定如某伊川喜 去 有得終不決治蓋吾道非如釋氏一見了便從空寂 有問且將語孟緊要處看如何伊川曰固是好若 右十四條見日堅中所記尹和靜語墨申 說人之生也直是天命之謂性謝顯道云順理 二里十十二 Ę 字

多定匹库全書 先生日明道猶有謔語若伊川則全無問如何謔語曰 直是謹嚴坐問無問尊早長幼其不肅然 明道聞司馬温公解中庸至人莫不飲食鮮能知味 意伊川稱賞之拱手遜謝伊川云上穹尊嚴安得易 日偶見秦少游問天若知也和天瘦是公詞否少游 有疑遂止笑曰我將謂從天命之謂性便疑了伊川 理也二説異同曰伊川説上 謂直竊謂順理是率性之事天命之性無待於順 截顯道說下一截

先生曰伊川年四十以後記性愈進令人年長則健忘 說之見伊 而侮之 措獨伊川凝然不動岸上有樵者厲聲問口舍去 豈可不知其故哉 川涪陵之 少游面色解然 如斯欲答之而舟已行 八先生論曾子易實事 一行過觀預波濤海湧舟中之人皆 溪語錄 信州周憲王賴信伯 **先生日是禮也君子** 所門 記

欽定四庫全書 神宗問明道以張載邢恕之學奏云張載臣所畏邢恕 從臣游 也說之日是禮古人孰不然益曾子獨有傳馬爾後 於此而嚴於浮屠老子虚誕之說乃不謂之理而謂 世之士自賤其身而絕於禮此事始廢或者似有得 所以貴乎禮者為其以之而生以之而死如此其明 之達安知吾道之所以貴哉先生曰然 右一事見見詹事文集說之

游定夫問伊川陰陽不測之謂神伊川曰賢是疑了問 張子正蒙云冰之融釋海不得而與焉伊川改與為有 元祐中客有見伊川者几案問無他書惟印行唐鑑 是揀難底問 晦叔則不得不少見司馬君實則不得不多 川謂明道曰吾兄弟近日說話太多明道曰使見日 部先生日近方見此書三代以後無此議論 右五條見晁氏客語不知何

欽定四庫全書 伊川先生言人有三不幸年少登高科一不幸席父兄 正獻公既薦常秩後差改節嘗對伯淳有悔薦之意伯 明道先生當至禪寺方飯見趨進揖遜之盛數曰三代 伊川嘗言今僧家讀一卷經便要一卷經中道理受用 敬納馬 淳曰願侍郎寧百受人欺不可使好賢之心少替公 儒者讀書却只閒了都無用處 之勢為美官二不幸有高才能文章三不幸也

大足り回人山西 **尹彥明與思叔同時師事伊川先生思叔以高識彥明** 有言鬼物於伊川先生者先生云君曽親見卯伊川以 内為本彦明獨能力行之 為若是人傳必不足信若是親見客是眼病 威俵盡在是矣 居教學未嘗少自貶屈常以伊川教入專以敬以直 以篤行俱為先生所稱先生沒思叔亦病死彥明窮 右四條見日氏重蒙訓恩事件講之孫 二程外書 竞

彦明嘗言先生教人只是專令用敬以直內若用此 時則更無睹當更無計較也即先生深以為然且曰 嘗以書問伊川先生云某平生所願學者康節先生 自然有所得也因説往年先生歸自涪陵日日見之 則百事不敢輕為不敢妄作不愧屋漏矣習之既久 不易見得如此且更涵養不要輕說晁以道常說項 也康節先生沒不可見康節之友惟先生在願因先 日因讀易至敬以直內處因問先生不習無不利

金罗巴屋台電

以道見伊川先生論難反復以道曰如此是先生亦欲 崇寧初家叔舜從以黨人子弟補外官知河南府鞏縣 只有義命兩字當行不當行者義也得失禍福命也 請見伊川先生問當今新法初行當如何做先生云 君子所處只說義如何耳 十年餘世間事無所不論惟未嘗一字及數耳 生問康節之學伊川答書云某與堯夫同里巷居: 同已先生不答門人云先生所欲同者非同已也

文足り早たら

二程外書

崇寧元年叔父舜從至洛中請見伊川先生先生召食 金岁巴尼白雪 伊川先生甚愛表記中說君子莊敬日强安肆日偷益 常人之情才放肆則日就曠為自檢來則日就規 行又請教語甚詳既而微笑云只被公家學佛 食五品亦甚豐潔坐問問事甚求先生一 正欲道之同耳 川先生自涪州順流而歸峽江峻急風作浪湧舟 右八事吕氏雜志同止 酬答臨 矩

右諫議大夫孔文仲言謹按通直郎崇政殿說書程颐 伊川先生自涪州歸過襄州楊畏為守待之甚厚先生 皆失色而先生端坐不動岸旁有問者云達後如此 時事雖變其安敢變此乃劉子勒處見其 去遠矣親見日舎人十一大說按此段已見邵氏見 舍後如此伊川先生意其非凡人也欲起揖之而舟 日某罪戾之餘安敢當此畏日今時事已變先生日 右二事汪端明記 二程外書 四十

侍講席觀某陳說凡經義所在全無發明必因籍 意未有信向而常開以勿用小人 事汎濫接引借無根之語以搖揻聖聽推難引之迹 為實亦為欺以所無有每至講罷必曲為早佞附 以脏感淵慮上德未有嗜好而常啓以無近酒色上 交結常在公卿之門不獨交口褒美又至連章論奏 見而除朝籍再見而升經筵臣項任起居舍人屢 物纖汗天資儉巧貪黷請求元無鄉曲之行奔走 八豈惟勸導以所不

欠ピリ巨 侍講讀者六七人 僭過甚並無職分如唐之王伍王叔文李訓鄭注 論 乞非時特賜宣問客臣一 之應答 人 之際頤無日無此語以感切上聽陛下亦必黽勉為 如日伏望陛下無聞之餘深思臣之說無忌臣之 語借如曰雖使孔子復生為陛下陳說不過如此 又如曰臣不敢子細敷奏慮煩聖聽恐有所疑伏 へいよう 如陛下因咳嗽罷講及御通英學士以 人頭官最小乃越次獨候問聖體橫 -程外書 開陳當陛下三年不言 7

歩火口屋 手書 也 事為 旅游 其門 入文 所凡則害 文弟 仲 使覸此善仲子 章 而武疏良本所 疏 晚無不晚以不經按 乃根掩乃(仇及)筵文 悔之防自直開進伸 之語 微知 稱者 説所 者則納為然故尤言 也為忠小養今見雖 之人不特先極 善所 曉附 生其 言給事於所誣 刀順為此以該 其鬱浮吕 愛然 佐區薄申君所 直血輩公之載